

綱鑑易知錄

五代

六十之二

特31

館書會首			
四	四	742	
		4	
八册	六號	四架	九函

第三十六卷

特31  
742

尺木堂綱鑑易知錄卷六十

明治十九年五月七日文部省

周之炯靜專

山陰吳乘權楚材同輯

司之燦星若



通鑑綱目定本

昭宗皇帝

唐紀

綱壬戌二年春正月以韋貽範同平章事綱三月汴

兵圍晉陽。朱全忠還河中。遣氏叔琮朱友

寧。全忠子攻河東。圍晉陽。李克用名諸將議

綱鑑易知錄

卷六十 唐昭宗

走保雲州。今山西大司府李嗣昭周德威及李嗣源皆曰兒

輩在此必能固守。王勿為此謀搖人心。克用乃止。會

大疫。汴見上卷末兵引還。克用以貯糧繕兵脩城利害。問

於幕府。見四卷二一掌書記李襲吉曰。國富不在倉儲。兵

強不由衆寡。霸國無貧主。強將無弱兵。願大王崇德

愛人。去奢省役。設險固境。訓兵務農。如此則國不求

富而自富。不求安而自安矣。克用以封疆日蹙。憂形

於色。存勛進言曰。朱氏窮凶極暴。人怨神怒。今其極

也。殆將斃矣。吾家代襲忠貞。大人當遵養時晦。見三卷

九。以待其衰。奈何輕為沮喪。使羣下失望乎。克用悅。

劉夫人無子。克用寵姬曹氏生存勛幼警敏。有勇略。

劉夫人待曹氏加厚。綱以場行密為行營都統。賜爵

吳王。見上卷二綱夏四月。盧光啓罷。綱五月。朱全忠至

東渭橋。見十一卷二綱崔胤詣河中泣訴於朱全忠。

請以時迎奉。全忠與之宴。胤親執板。歌以侑。有酒也酒。

全忠乃將兵五萬發河中。綱韋貽範罷。綱進錢鏐爵

為越。越州即紹興府王。綱以蘇檢同平章事。綱朱全

忠圍鳳翔。見上卷三綱全忠朝服向城而泣曰。臣但欲

進錢鏐爵為越王

吳

崔胤板歌

侑酒

進錢鏐爵

為越王

迎車駕還宮耳。不與岐王。見上卷角勝也。**綱**秋八月。

起復韋貽範同平章事。**目**貽範之為相也。多受人賂。

許以官。既而以喪罷去。日為債家所課。故汲汲於起。

復。日遣人詣兩中尉樞密。及李茂貞求之。上命韓偓

草制。偓曰。吾腕可斷。短此制不可草。即上疏論之。上

命罷草。明日。班定。無白麻。見五五可宣。宦官誼言韓

侍郎不肯草麻。茂貞入見曰。陛下命相。而學士不肯

草麻。與反何異。上曰。學士所陳。事理明白。若之何不

從。茂貞不悅。而出。語去人曰。我實不知書。生禮數。為

貽範所誤。貽範乃止。至是竟起復貽範。使姚洎忌草

制。貽範不讓。即表謝。明日視事。**綱**冬十月。韋貽範卒。

**綱**癸亥三年春正月。李茂貞殺韓全誨等。帝幸朱全

忠營。遂發鳳翔。復以崔胤為司空。同平章事。**目**李茂

貞獨見上。請誅全誨等。與全忠和解。奉車駕還京。上

喜。即收全誨等斬之。又斬李繼筠。繼誨。彥弼等十六

人。而以第五可範仇承坦為中尉。王知古。楊虔朗為

樞密使。時鳳翔所誅宦官已七十二人。全忠又密令

京兆見四八捕誅九十人。車駕幸全忠營。全忠素服

韓偓膝可斷制不可草

大誅宦官

待罪頓首流涕。上亦泣。親解玉帶以賜之。少休即行。全忠命朱友倫將兵扈<sub>戶</sub>從。駕至興平。見五十一卷十八崔胤帥百官迎謁。復以為相。領三司如故。綱車駕至長安。大誅宦官。以崔胤判六軍十二衛事。車駕入長安。崔胤奏以宦官典兵預政。傾危國家。不翦其根。禍終不已。請悉罷內諸司使。其事務盡歸之省寺。三公所居日寺諸道監軍俱名還闕下。上從之。全忠遂以兵驅第五可範已下數百人盡殺之。冤號之聲徹於內外。其出使外方者。詔所在誅之。止畱黃衣幼弱者三

十人。以備灑掃。以崔胤兼判六軍十二衛。見四八事

飲醉忘醉

司馬溫公曰。宦者用權為國家患。其來久矣。蓋以出入宮禁。人主自幼及長。與之親狎。非如公卿進見。有時可嚴。憚也。其間復有性識儼利。諂言辨給。善伺候顏色。承迎志趣。受命則無違忤之患。使令則有稱愜之效。自非上智之主。燭知物情。慮患深遠。侍奉之外。不任以事。則近者日親。遠者日疎。自言悲辭之請。有時而從。浸潤膚受之愆。有時而聽。於是黜陟刑賞之政。潛移於近習。而不自知。如飲醇酒嗜其味。而忘其醉也。東漢之衰。宦官最名。驕橫然皆假人主之權。依憑城社。以濁亂天下。未有能劫脅天子。如置嬰兒廢置在其手。東西出其意。如唐世者。所以然者。非他。漢不握兵。唐握兵。故也。蓋其禍始於明皇。盛於肅代。成於德宗。極於昭宗。而唐之廟社。因以丘墟矣。為國家者。可不慎其始哉。夫寺八之官。所以謹閭闔之禁。通內外之言。安可無

宣者豈無  
賢才

崔哀一轍

也。如巷伯之疾惡，寺人披之事君，鄭衆之辭賞，呂彊之直諫，曹日昇之救患，馬存亮之弭亂，楊復光之討賊，嚴遵美之避權，張承業之竭忠，其中豈無賢才乎？顧人主不當與之謀議，進退士大夫，使有威福足以動人耳。果或有罪小則刑之，大則誅之，無所寬赦。如此雖使之專橫，孰敢哉。豈可不察臧否不擇是非，欲草薶而禽猶之能無亂乎？是以袁紹行之於前，而董卓弱漢，胤襲之於後，而朱氏篡唐，雖快一時之忿，而國隨以亡。是猶惡衣之垢而焚之，患木之蠹而伐之，其為害豈不深哉？音城社見三卷二四城狐社，不益多哉。寺人闕官也。巷伯，即寺人詩小雅巷伯篇。寺人刺幽王之詩，記緇衣篇惡惡如巷伯。寺人披，音獻公文公時寺人名，披見左傳僖公二十四年。鄭衆見二二卷二五呂彊見二五卷三曹日昇。唐肅宗時賊圍南陽甚急，日昇請與騎冒圍入城宣慰，賊不敢逼，馬存亮唐敬宗初染署工。

張韶與十者蘇元明為變存亮遣神策騎兵射韶及元明皆死楊復光僖宗時即入都將以敗朱溫嚴遵美昭宗時歷軍容使後隱青坊山張承業見下三一雜芟草也秋獵日獮袁紹見二五卷

**綱**二月賜朱全忠號回天再造竭忠守正功臣以

朱全忠進  
爵梁王

輝王祚為諸道兵馬元帥朱全忠守太尉以剛之進爵梁王崔胤為司徒兼侍中。**綱**貶韓偓為濮州

司馬。回上嘗謂偓曰：崔胤雖忠，然頗用機數。對曰：凡

為天下者，萬國皆屬。祝之耳目安可以機數欺之。莫

若推誠直致，雖日計之不足，而歲計之有餘也。上欲

用僱為相。僱薦趙崇王贊自代。胤惡其分已權。使朱全忠白。上曰。趙崇輕薄。王贊不才。韓僱何得妄薦。上不得已。貶僱。上與泣別。僱曰。是人非。復向來之比。臣得貶死為幸。不忍見篡弒之辱。**綱**梁王全忠辭歸鎮。歸宜武鎮也。見上卷二。大梁。**綱**以裴樞同平章事。朱全忠薦之也。**綱**秋八月。進丁建。爵為蜀。治成都府。見上卷二。三。西川。**綱**冬十月。山南東道。襄陽府。節度使趙匡凝取荆南。今海廣。表其弟匡明為副。後匡時天子微弱。諸道多不上供。惟匡凝兄弟委輸。輸送委積也。不絕。**綱**李茂貞李繼徽舉。

趙匡凝兄弟忠順

兵逼京畿。**綱**朱全忠之克邠州。見上卷末也。執節度使楊崇本妻於河中。見上卷末。而私焉。崇本怒。使謂李茂貞曰。唐室將滅。父忍坐視之乎。遂相與連兵。侵逼京畿。復姓名李繼徽。全忠恐其復有劫遷之謀。乃發兵屯河中。**綱**十一月。以獨孤損同平章事。裴贇罷。**綱**甲子。天祐元年春正月。梁王全忠殺崔胤。以崔遠柳璨同平章事。**綱**初。崔胤假朱全忠兵力。以誅宦官。全忠既破李茂貞。威震天下。遂有篡奪之志。胤懼。與全忠外雖親厚。私心漸異。至是全忠欲遷天子都洛。

朱全忠追  
屬遷都

洛陽恐胤立異密表胤等專權胤國請并其黨鄭元規等誅之詔皆貶之而以裴樞獨孤損分判六軍三司全忠密令朱友諒殺胤及元規等數人綱梁王全忠屯河中表請遷都上發長安二月至陝目朱全忠引兵屯河中遣牙將奉表稱李繼微亦岐李茂兵逼畿甸請上遷都洛陽時上御延喜樓及下裴樞已促百官東行驅徙士民號哭滿路罵曰賊臣崔胤名朱溫來傾覆社稷使我曹流離至此上遂發長安全忠以張廷範為御營使毀長安宮室百司及民間廬舍長安

紇下山頭  
凍殺雀

遂墟上至華州今陝西西安府華州民夾道呼萬歲上泣曰勿呼萬歲朕不復為汝主矣館於興德宮謂侍臣曰鄙語云紇痕入干山頭凍殺雀何不飛去生處樂紇牙山即紇真山在山西大同府城東北紇真胡語猶漢言千里其山多積雪故云朕今漂泊不知竟落何所因泣下霑襟左右莫能仰視二月至陝今河南河南全忠來朝上延入寢室見何后后泣曰自今大家見三五一夫婦委身全忠矣綱三月梁王全忠赴洛陽綱遣諫使以密詔告難去于四方目上復遣閒使以絹詔告急於王建楊行密李克用等令糾



更封錢鏐為吳王

朱全忠弒昭宗

率藩鎮以圖匡復曰。朕至洛陽。則為全忠所幽閉。詔救皆出其手。朕意不得復通矣。**綱**夏四月上。至洛陽。**綱**更封錢鏐為吳王。鏐求封吳越王。朝廷不許。乃更封吳王。**綱**五月。梁王全忠還鎮。**綱**六月。李茂貞王建。李繼徽合兵討朱全忠。全忠拒之河中。法書。茂貞繼徽再逼京畿。王建不何。全忠強盛。唐祚且移。苟有能抗之者。綱目所予也。於是全忠削不書爵。**綱**秋八月。全忠弒帝於椒殿。太子祝即位。帝自離長安。日憂不測。與何后終日沉飲。或相對悲泣。時李茂貞等移檄。吸往來。皆以興復為辭。全忠方西討。以帝有英氣。恐變

朱全忠驚哭世也

李克用最為有功

生於中。欲立幼君。易謀禪代。乃遣判官李振至洛陽。與蔣玄暉及朱友恭氏叔琮等圖之。玄暉遣牙官史太等百人。夜叩宮門。殺宮人裴貞一。帝在椒殿。方醉。遽起。單衣繞柱走。太追弒之。立輝王祚為皇太子。更名祝。於柩前即位。時年十三。全忠聞之。陽驚哭。自投於地。曰。奴輩負我。令我受惡名於萬代。至東都。伏梓宮。見二。三。卷八。慟哭。殺友恭叔琮。友恭臨刑大呼曰。賣我以塞天下之謗。如鬼神何。全忠遂辭赴鎮。

華陽范氏曰。唐末藩鎮。惟李克用最為有功。雖嘗跋扈。而終不失臣節。若倚為藩。打使太原之

勢常重則諸鎮未敢窺唐也。而唐以其成秋之人。疑而不信。是以不競於汴。而全忠獨能吞噬諸鎮。卒滅唐室。自古忠者不見信。而所信者不忠。豈有不亡者乎。

綱冬十二月。以劉隱為清海二節度使。

昭宣帝名祝昭宗第九子。朱全忠廢為濟陰王。復弑之。壽十七歲。

諡曰哀帝。

昭宣不政元

綱乙丑。昭宣帝天祐二年。君立臨年。改元恆也。昭

先君之舊號。則臣子之罪也。其畏全忠甚矣。綱曰。非

朱全忠殺諸王

元。年。不。書。號。於。是。特。書。昭。宣。帝。天。祐。二。年。所。以。表。其。非。年。以。正。始。也。綱春二月。朱全忠殺德王裕等九人。置酒九曲池。悉縊意

全忠使將玄暉。邀德王裕九人。置酒九曲池。悉縊意。

殺之。投尸池中。皆昭宗之子也。綱葬和陵。在河南府偃師縣。

綱三月。以王師範為河陽節度使。獨孤

損裴樞。崔遠並罷。以張文蔚。楊涉。同平章事。目涉

為人和厚恭謹。聞當為相。泣謂其子凝式曰。此吾家

之不幸也。以為汝累。綱夏四月。彗星出西北。

長竟天。綱法書。彗十有七。未有一歲而唐亡。變不虛生。

信哉。終綱。目書。長竟天。三。長星竟天。而晉亡。音長星

彗星。竟天。而唐亡。惟李竟天。則兵禍而已。註音見三

五卷。六。李見綱。六月。殺裴樞。獨孤。損崔遠。陸展。王溥

等三十餘人。目柳璨。恃朱全忠之勢。恣為威福。會有

彗星長竟天

星變占者曰君臣俱災宜誅殺以應之。璿因疏其素所不快者於全忠曰此曹也皆怨望腹非宜以之塞災異。李振因言於全忠曰王欲圖大事此曹皆朝廷之難制者也不若盡去之。全忠以為然貶獨孤損裴樞崔遠陸扈王溥趙崇王贊等官有差自餘或門胄高華或科第自進以名檢自處者皆指以為浮薄貶之。六月朔聚樞等三十餘人於白馬驛一夕盡殺之。授尸於河。初李振屢舉進士不中第故深疾縉紳之士言於全忠曰此輩常自謂清流宜投之黃河使為濁流。

清流使為濁流

李振鳴鳥

司空圖陽為衰野夫儀

唐末惟司空圖一人

濁流全忠笑而從之。振自汴見上卷三至洛朝臣必有竄逐者時謂之鳴鳥。綱秋八月徵前禮部員外司空圖詣闕尋放還山。圖初圖棄官居虞鄉今山西平陽府解州王官谷。在平陽府臨昭宗屢徵之不起。柳璨以詔書徵之。圖懼入見陽為衰野墜笏失儀。璿復下詔曰養高釣名匪夷匪惠難居公正之朝可放還山。

致堂胡氏曰唐末進退不汙者惟司空圖一人。其猶在韓偓之右乎。迹近而意遠情疎而罪微。此蔡邕在瓊周處之所難也。詳味其圖。蔡邕見事想見其人嗚呼其可謂賢矣哉。圖。二五卷。八。伍瓊周處。見二五卷九。

柳璨負國賊

綱冬十一月吳王楊行密卒子渥代為淮南見上卷  
節度使綱以梁王全忠為相國封魏王加九錫見上卷  
二全忠不受綱十二月朱全忠弒太后何氏殺蔣玄  
暉柳璨張延範目初柳璨與玄暉延範相結為全忠  
謀禪代事何太后使宮人達意求傳禪之後子母生  
全王殷趙殷衡譖玄暉云與璨延範與太后夜宴焚  
香為誓與復唐祚全忠信之誅玄暉令殷等弒太后  
於積善堂斬柳璨於上東門車裂延範於都市璨臨  
刑呼曰負國賊柳璨死其宜矣

右唐二十一帝共二百八十九年

五代梁唐晉漢周

後梁紀

太祖皇帝

姓朱名溫更名晃宋州碭山人父誠以五  
經教授鄉里初溫從黃巢為盜降唐賜名  
全忠拜汴州刺史宣武軍節度進封梁王竟移  
唐祚在位六年為子友珪所弒壽六十一歲

綱丁卯四年

四月以後梁太祖皇帝朱晃開平元年  
西川稱唐天復七年是歲唐亡梁晉

岐淮南西川凡五國吳越湖

春正月淮南牙將張顥

徐溫作亂

書曰作亂而後亂臣晉趙鞅見三四卷  
不得以趙鞅藉口矣目十一典晉陽之

甲目楊渥驕侈日甚居喪酣飲作樂燃十圍之燭以

綱監方口象

卷六十一

五代梁太祖

十一

張徐兵諫

楊凝式知大義

擊毬。或單騎出遊。從者不知所之。左右牙指揮使張顯徐溫泣諫。渥怒。顯溫潛謀作亂。一日帥牙兵二百露刃直入庭中。渥曰。爾果欲殺我邪。對曰。非敢然也。欲誅王左右亂政者爾。因數<sup>上</sup>渥所親信十餘人之罪。曳<sup>葉</sup>下擊殺之。謂之兵諫。綱三月。唐遣使奉冊寶如梁。帝下詔禪位於梁。遣宰相張文蔚楊涉及薛貽矩蘇循張策趙光逢等奉玉冊傳國寶。帥百官備法駕詣大梁。見<sup>上</sup>楊涉。涉直史館。凝式言於涉曰。大人為唐宰相。而國家至此。不可謂之無過。況手持天

劉守光後號燕

子。雖綬與人。雖保富貴。奈千載何。蓋辭之。涉大駭曰。汝滅吾族。神邑為<sup>去</sup>之。不寧者數日。綱夏四月。盧龍見<sup>上</sup>卷二六。節度使劉仁恭為其子守光所囚。仁恭驕侈貪暴。以大安山<sup>在直隸順天府房山縣北</sup>四面懸絕。築館其上。極壯麗。實以美女與方士煉藥其中。有愛妾羅氏。其子守光通焉。仁恭杖守光而斥之。至是梁遣李思安擊之。直抵城下。仁恭在大安城。幾不守。守光自外引兵入。登城拒守。却之。遂自稱節度使。令部將李小喜攻大安。虜仁恭以歸。囚於別室。守光弟守奇奔河東。

見上。綱。梁王全忠更名晃。恍稱皇帝。奉唐帝為濟陰。

王。目。張文蔚等至大梁。梁王更名晃。即皇帝位。文蔚

等升殿讀冊寶已降。帥百官舞蹈稱賀。梁王與之宴

舉酒勞去之曰。此皆諸公推戴之力也。文蔚等皆慙

伏不能對。獨蘇循薛貽矩盛稱功德。宜應天順人。梁

王復與宗戚飲博宮中。其兄全昱欲謂曰。朱三。汝本

碭山見上。一民也。從黃巢為盜。天子用汝為四鎮節

度使。見上。富貴極矣。奈何一旦滅唐家三百年社

稷。他日得無滅吾族乎。梁主不憚而罷。奉唐帝為濟

陰今山東兗州。王遷於曹州。使甲士守之。綱。梁以汴州

為東都。開封府。今河南開封府。洛陽。唐東都今河南洛陽縣。為西都。

長安。唐西京今陝西西安府長安縣。為大安府。依國軍。綱。梁以馬殷

見上。卷二。八。為楚王。綱。梁以敬翔知崇政院事。梁主禪代之際

六。又。二。八。為楚王。綱。梁以敬翔知崇政院事。梁主禪代之際

居多。鳳翔。岐見上。淮南。吳見上。稱天祚。西川。蜀見上。稱天

復年號。餘皆稟梁正朔。蜀王建與楊渥移檄諸道云。

欲與岐王晉王會兵興復唐室。卒無應者。建乃謀稱

帝。遺去晉王書云。請各帝一方。晉王復書不許。曰。誓

後梁東西都  
楚  
二國移檄興復唐室

蘇循薛貽矩盛稱功德  
朱全昱責  
梁

李克用不  
敢失節

於此生靡敢失節。綱岐王李茂貞開府。目茂貞治軍  
寬簡無紀律。兵羸地蹙。不敢稱帝。但開岐王府。置百

官。宮殿號令皆擬帝者。綱契丹遣使如梁。目是歲契

丹見四十六卷耶律阿保機姓耶律名阿保機帥衆三十萬寇雲

州。見上晉王與之連和。約爲兄弟。延之帳中。縱酒盡

李克用不  
失信契丹

歡。約共擊梁。或勸晉王擒之。王曰。讎敵未滅。而失信

夷狄。自亡之道也。畱之旬日。厚贈遣之。阿保機既歸

梁以錢鏐  
養吳越王

而背盟。更附於梁。晉王由是恨之。綱梁以錢鏐爲吳

越王。目鎮海。見上卷節度判官羅隱說鏐舉兵討梁。

羅隱說錢  
鏐舉兵

謂縱無成功。猶可退保杭。即鎮海越。見上自爲東帝。奈

何交臂事賊。爲終古之羞乎。鏐始以隱爲不遇於唐。

必有怨心。及聞其言。雖不能用心。甚義之。綱梁以高

季昌爲荆南。治湖廣節度使。目依政。縣名。故城在進

士梁震。唐末登第歸蜀。過江陵。即荆高季昌愛其才

識。畱之。欲奏爲判官。震恥之。欲去。恐及禍。乃曰。震素

不慕榮官。明公不以爲愚。必欲使參謀議。但以白衣

侍樽俎可也。季昌許之。震終身止稱前進士。不受高

氏辟。壁署。季昌甚重之。以爲謀主。呼曰先輩。綱梁主

梁震終身  
稱前進士

封其兄全昱為廣今廣東廣州府王。全昱不樂在京師。常

居礪山。故里。三子皆封王。綱梁禮部尚書蘇循等

致仕。直循及其子楷。自謂有功於梁。朝夕望為相。梁

主薄其為人。敬翔李振亦鄙之。言於梁主曰。蘇循唐

之鳴梟。賣國求利。不可以立於維新之朝。詔循等十

五人並勒致仕。楷斥歸田里。綱秋七月。梁以劉守光

為盧龍見節度使。綱九月。蜀王王建稱帝。

綱戊辰晉岐淮南稱唐天祐五年。梁開平三年。蜀高祖王建武成元年。是歲西川稱蜀。凡五

國五。春正月。晉王李克用卒。子存勳立。晉王病篤。

命其弟克寧監軍張承業大將李存璋吳珙拱掌書

記。盧質立其子存勳為嗣。曰。此子志氣遠大。必能成

吾事。爾曹善教導之。又謂克寧等曰。以亞子累汝。亞

子存勳小名也。言終而卒。存勳襲位。尋克寧謀作亂。存勳殺之。綱

二月。梁主晃弒濟陰王。追謚曰唐哀皇帝。綱夏五月。晉王攻

梁夾寨。柴去聲。寨壘也。去年六月。梁遣康懷貞攻

八月。德威敗梁兵。梁遣李思安代懷貞至潞州。城下。更築重城。內以防奔突。外以拒援兵。謂之夾寨。破

之。潞州圍解。綱李思安攻潞州。今山西潞安府。久不下。晉王

與諸將謀曰。上黨即潞州河東見之藩蔽。無上黨。是無

夾寨

蘇循唐之鳴梟

綱鑑易知錄

卷六十一

五代梁太祖

十五



河東也。且朱溫所憚者先王爾。聞吾新立。以為童子。未開軍旅。必有驕怠之心。若簡精兵倍道趣之。出其不意。破之必矣。取威定霸。在此一舉。不可失也。乃

大閱士卒。以丁會為都招討使。帥周德威等發晉陽。

李存勖破梁夾寨

即河東治五月朔。晉王伏兵三垂岡。質實云未下詰乞且

也。明旦大霧。進兵直抵夾寨。梁軍無斥候。見四十六將士

尚未起。晉王命周德威李嗣源分兵為二道填塹。去

城水也。燒寨鼓譟而入。梁兵大潰。南走。失亡將士

萬計。委棄資械山積。梁主聞夾寨不守。大驚。既而歎

生子當如李亞子

曰。生子當如李亞子。克用為不亡矣。至如吾兒豚犬

費誓得列於典謀命誥之後

致堂胡氏曰。喪不事。故春秋於背使而即我。考皆深譏之。惟其門庭之寇存亡繫焉。然後從權制而無避此費誓。所以得列於典。謀命誥之。後也。若李存勖夾寨之戰。君下深。有取者與是。類耳。梁置夾寨。距晉陽不百里。可謂危急。矣。使存勖於是焉。執哀戚之常情。忽國家之大計。上黨淪陷。則晉陽不存。又豈所以為孝。是以審緩急。量輕重。出奇制勝。以走梁師。然後霸基復安。君子美之。費音祕。費誓周書篇名。魯有之。垂訓大矣。註。徐夷為寇。魯公帶經征之。於費地。誓衆。故以費誓名篇。記曾子問篇。子夏問曰。三年之喪。卒哭。金革之事無避也者。非與。孔子曰。吾聞諸老聃曰。昔者魯公伯禽有為為之也。今以三年之喪。從其利者。吾弗知也。

綱晉王歸晉陽。晉王歸晉陽。休兵行賞。命州縣舉

賢才。黜貪殘。寬租稅。撫孤窮。伸冤濫。禁姦盜。境內大

治。綱淮南見上。張顥徐溫弒其節度使楊渥。奉王弟

溫復攻顥殺之。府事咸取決焉。以慕僚嚴可求為

揚州。綱秋七月。淮南將吏推楊隆演為節度使。

綱己巳。晉岐淮南稱唐。天祐六年。梁開春正月。梁遷

都洛陽。綱淮南徐溫自領昇州刺史。目徐溫以金陵

軍副使領昇州刺史。目廣陵。南治以其假千元從。唐

南江寧府。形勝戰艦。所聚乃自以淮南行

南唐徐知誥。祖以義兵起太原。已定天下。悉罷遣歸

其願。留宿衛者三萬人。號元從禁軍。指揮使知誥

為昇州防遏。兼樓船副使。往治之。綱夏四月。梁以王

審知為閩。即福州見上卷。王目審知儉約。常躡麻履。

府舍卑陋。未嘗營葺。寬刑薄賦。公私富實。境內以安。

綱秋七月。梁以劉守光為燕。燕國隸盧龍軍。王

綱庚午。晉岐吳稱唐。天祐七年。梁開平四年。岐

見上卷。王承制加楊隆演嗣吳王。綱夏四月。梁宋州

獻瑞麥。目梁宋州。今河南歸德府。節度使衡王友諒獻瑞麥

一莖。恆也。三穗。遂。梁主曰。豐年為上。瑞。今宋州大

徐溫據金陵

南唐徐知誥

閩

燕

楊隆演嗣吳

梁王惡獻瑞麥

五代梁太祖 十七

水安用此為詔除本縣令名遣使詰責友諒以惠王友能代之。

**綱**辛未。晉岐吳稱唐天祐八年梁乾化元年。是歲凡五國五鎮。正月朔日食。

**綱**三月梁清海節度使劉隱卒弟巖知

留後。秋八月燕王劉守光稱帝。**綱**冬十月晉遣李

承勳使于燕。晉王聞劉守光稱帝大笑曰俟彼十

年吾當問其鼎矣。張承業請遣使致賀以驕

之。晉王遣太原少尹李承勳往用鄰藩通使

之禮燕典客欲使稱臣庭見。承勳曰吾受命於唐

朝為太原少尹燕王豈得而臣之乎。守光怒囚之數

日竟不能屈。**綱**十一月幽州參軍馬道奔

晉。劉守光攻趙。趙王鎔成德節度王景崇之姪梁

代之。成德軍治鎮。初封為趙王後梁主疑鎔於晉

州今直隸真定府。易定。道以為未可繫

獄得免亡奔晉。張承業薦之。晉王以為掌書記。**綱**劉

守光寇易定。晉遣兵救之。

**綱**壬申。晉岐吳稱唐天祐九年梁乾春正月晉師及

鎮定之兵伐幽州。二月梁主救之。大敗走還。

**綱**夏五月梁主至洛陽。梁主至洛陽疾甚謂近臣曰我經

晉張承業請驕劉守光

李承勳不屬漏道二主

營天下三十年。不謂太原餘孽。謂李存勗更昌熾如此。吾

觀其志不小。天復奪我年。我死。諸兒非彼敵也。吾無

葬地矣。因哽咽。煙入聲。悲塞也。絕而復蘇。綱六月。梁郢王

友珪弒其主晃而自立。目梁主長子友裕早卒。次假

子博王友文。梁主特愛之。常留守東都。見上次郢王

友珪。其母娼也。為控鶴見四七指揮使。無寵。次均王

友貞。為東都指揮使。初張后嚴整多智。梁主敬憚之。

后死。梁主恣意聲色。諸子雖在外。常徵其婦入侍。友

文婦王氏色美。尤寵之。欲以友文為太子。友珪心不

朱溫淫子  
婦被弒

平。梁主疾甚。命王氏召友文。欲付以後事。友珪婦張

氏知之。密告友珪。珪與統軍韓勅合謀。以牙兵雜控

鶴士中。夜斬關入。至寢殿。梁主驚起曰。我固疑此賊

恨不早殺之。汝悖逆如此。天地豈容汝乎。友珪曰。老

賊萬段。段秀實罵朱泚曰狂賊吾恨不斬汝萬段見五三卷二九友珪僕夫馮廷

諤刺梁主腹。刃出於背。以敗衾裹之。瘞意。於寢殿

遣供奉官丁昭溥馳詣東都。命友貞殺友文。矯詔稱

友文謀逆。賴友珪忠孝。將兵誅之。宜令友珪權主軍

國之務。韓勅為友珪謀。多出金帛。賜諸軍及百官。以

老賊萬段

綱鑑易知錄 卷六十一 五代梁主 九

取悅。乃發喪即位。綱秋七月。梁以楊師厚為天雄五見

二卷節度使師厚既得魏博又兼都招討使宿衛兵多在麾下諸鎮兵皆得調發綱梁

遣兵擊河中。今山西平陽府蒲州節度使朱友謙降晉。綱梁以

敬翔同平章事。綱冬十月。晉王救河中。梁兵敗走

梁主瑱。太祖第三子誅友珪即帝位及唐兵入都遂自殺而國亡在位十年壽二十六歲

綱癸酉。晉岐吳稱唐天祐十年梁主瑱春二月梁均

王友貞起兵討賊友珪伏誅。友貞立于大梁。更名瑱。

鎮友謙復歸梁。友珪遽為荒淫。內外憤怒。駙馬都

尉趙巖。太祖之婿也。龍虎統軍袁象先。太祖之甥也。

巖奉使至大梁。師厚均王友貞密與之謀誅友珪。巖

曰。此事成敗。在揚令公。謂揚師厚得其一言。諭禁軍。吾事

立辦。均王乃遣腹心說師厚曰。郢王篡弒。人望屬祝

在大梁。公若因而成之。此不世之功也。師厚乃遣其

將王舜賢至洛陽。陰與袁象先謀。巖歸洛陽。亦與象

先定計。象先等帥禁兵數千人。突入宮中。友珪令馬

廷諤先殺妻。次殺已。廷諤亦自剄。均王即位於大梁。

更名瑱。加揚師厚兼中書令。賜爵鄴見五五王。遣使

招撫朱友謙。友謙復稱藩。綱夏四月。晉師逼幽州。見上

拔平今直隸營今永平府州綱六月梁賜高季昌見

十四今直隸王綱冬十一月晉王入幽州執

劉仁恭及守光以歸。

**綱**甲戌晉岐吳構唐天祐十一年梁乾春正月劉仁

恭劉守光伏誅綱晉王以練紵充夜反車去聲劉

仁恭父子凱同軍勝入於晉陽獻於太廟自臨斬

劉守光械仁恭至代州今太原府代州刺威其心血

以祭先王墓然後斬之昭宗景福二年時劉仁恭為

奔河東李克用厚待之乾寧元年克用克幽州二年

克用表請仁恭為盧龍節度使五年李茂貞犯關帝

如華州克用徵兵於仁恭以入援仁恭辭以契丹入

寇不出兵克用移書責之仁恭抵書慢罵囚其使者

克用大怒自將擊之河東兵大敗仁恭

驕侈貪暴天祐四年為其子守光所囚

遂囚併書伏誅何哉仁恭本幽州偏較攻其子

帥奔敗僅免藉河東之力遂得盧龍既而乘輿

播越克用名兵入援傲然拒之谷壘鄰竟至謂

誅者豈以其見囚於子而遂未滅其罪也乎

**綱**高季昌攻蜀夔州今四川不克綱秋八月蜀以毛

蜀毛文錫  
諫灌江陵

文錫判樞密院

峽見二七上有堰壅水或勸蜀主

乘夏秋江漲障決之以灌江陵見十四文錫諫曰季昌

不服其民何罪陛下方以德懷天下忍以鄰國之民

綱

為魚鼈食乎。蜀主乃止。

**綱**乙亥。晉岐吳稱唐天祐十二年梁貞春正月梁分

天雄見上。為兩鎮。夏四月魏人降晉。六月晉王入魏

梁以魏博強盛於相州置昭德軍分魏州將士府庫

之半於相州恐魏人不服遣劉鄩將兵六萬濟河以

勝之四月魏人求援於晉五月晉王引大軍東下劉

鄩趨魏縣晉王引親軍與鄩夾河為營六月晉王入

**綱**秋七月梁劉鄩尋引兵襲晉陽不至還守莘城

**目**劉鄩以晉兵盡在魏州晉陽必虛欲襲取之乃潛

引兵自黃澤質實云未詳處所西去晉人怪鄩軍數日不出

遣騎覘諂平去二聲之。時見旗幟循柴壘。城上往

來。晉王曰吾聞劉鄩用兵一步百計此必詐也。更使

覘之。乃縛芻為人執旗乘驢在城上爾晉王曰鄩長

於襲人。短於決戰。計彼行纔及山下遂發騎兵追之。

晉將李嗣恩倍道先入晉陽城中知之勒兵為備鄩

糧盡又聞晉有備追兵在後衆懼將潰會鄩諭止之。

周德威聞鄩西上自幽州見上引千騎救晉陽鄩知臨

清今山東東昌府臨清州有蓄積志欲據之以絕晉糧道德威

急追至南宮見五四擒其斥候見上者短腕而縱

之使言曰周侍中已據臨清矣見同上略鄩營

周侍中已據臨清

劉鄩一步百計

而過入臨清。郭引軍趨貝州。見五四。軍堂邑。今東昌府堂邑。

縣德威攻之不克。翌日軍於莘縣。今東昌府莘縣。見十五。而

守之。晉王營莘西三十里。一日數戰。晉王愛元行欽

初劉守光將元行欽高行珪及弟行尚俱降於李嗣源。驍健從李嗣源求之。賜

姓名曰李紹榮。王復欲求高行周。重於發言。密使人

以官祿啗之。淡。餌之也。行周辭曰。代州謂李嗣源養壯士。亦

為大王爾。行周事代州。亦猶事人王也。代州脫行周

兄弟於死。行周不忍負之。乃止。綱八月。梁劉鄩攻鎮

定。見上。八。營。晉擊敗之。劉鄩奔還。綱冬。十月。梁康王友敬作

亂。伏誅。綱梁德妃張氏卒。將葬。友敬使腹心數人匿

於寢殿。梁主覺之。召宿衛兵索殿中。得而手刃之。捕

友敬誅之。由是疎忌宗室。專任趙巖及妃兄弟漢鼎

漢傑。從兄弟漢倫漢融。巖等依勢弄權。賣官鬻獄。雖

閒諫。舊將相敬翔李振。雖為執政。所言多不用。振每

稱疾不預事。政事日紊。以至於亡。

綱丙子。晉岐吳稱唐。天祐十三年。梁貞明二年。蜀通正元年。是歲凡五國五鎮。春。正月。

梁以李愚為左拾遺。綱梁主聞李愚學行。名為左拾

遺。充崇政院直學士。衡王友諒貴重。李振等見皆拜

梁主任遇張以至於

高行周不忍負代恩

綱鑑易知錄

卷之十一

二二



李愚不拜  
衡王

張承業治  
家甚嚴

之愚獨長揖梁主讓也。青之曰：衡王，朕兄也，朕猶拜之。卿長揖可乎？對曰：陛下以家人禮見衡王，拜之宜也。振等陛下家臣，臣於王無素，不敢妄有所屈。久之，竟以抗直罷。綱秋九月，晉王還晉陽，王性孝，雖經營河北，道名治魏州，今大名府，而數朝還晉陽，省曹夫人。見上。歲再三焉。綱冬十二月，晉以張瓘為麟州刺史。瓘張承業治家甚嚴，有姪為盜，殺販牛者，承業斬之。晉王以其姪瓘為麟州今陝西延安府神木縣刺史。承業謂曰：汝本為賊，慣為不法，今若不悛，詮也死無日矣。由此瓘

所至不敢貪暴。綱契丹稱帝，改元曰契丹主阿保機。見上。自稱皇帝，國人謂之天皇王，以妻述律氏為皇后，置百官，改元神冊。晉王方經營河北，欲結契丹為援，常以叔父事阿保機，以叔母事述律后。劉守光末年衰困，遣參軍韓延徽求援於契丹。阿保機怒其不拜，留之，使牧馬於野。延徽有智略，頗知屬文。述律后曰：延徽能守節不屈，此今之賢者，奈何辱以牧馬？語。養牛曰。宜禮而用之。阿保機名與語，悅之，遂以為謀主。延徽始教契丹建牙開府，築城郭，立市里，以

法  
人

華延徽懼  
王緘之讒

處漢人使各有配偶墾荒田由是漢人安業逃亡者少契丹威服諸國延徽有功焉頃之逃奔晉陽晉王欲置之幕府見上掌書記王緘疾之延徽不自安求歸省母遂復入契丹阿保機待之益厚至是以為相延徽寄書於晉王曰非不戀英主非不思故鄉所以不畱正懼王緘之讒爾因以老母為託且曰延徽在此契丹必不南牧故終同光後唐莊宗年號之世契丹不深入為寇延徽之力也

**綱**晉王如魏州

**綱**丁丑

晉岐吳稱唐天祐十四年梁貞明三年。蜀天漢元年漢乾亨元年。是歲嶺南稱漢凡

四鎮

春二月晉新州

今直隸保安州

裨皮

將

偏將也

盧文進殺

其防禦使李存矩

晉王之弟

亡奔契丹

**綱**三月契丹陷新

州晉師攻之不克**綱**契丹圍幽州夏四月晉王遣李

嗣源將兵救之**綱**契丹乘勝進圍幽州見盧文進教

之攻城周德威遣使告急晉王與梁相持河上欲分

兵則兵少欲勿救恐失之謀於諸將獨李嗣源李存

審閻寶勸王救之王喜曰昔太宗得一李靖猶擒頡

利見四三卷今吾有猛將三人復何憂哉存審寶以

為虜無輜重勢不能久不若俟其還而擊之李嗣源

一李靖擒  
擒頡利

李嗣源

曰德威社稷之臣。今朝夕不保。恐變生於中。何暇待

虜之衰。臣請身為前鋒以赴之。王曰。公言是也。即日

命治兵。四月。命嗣源將兵先進。寶以鎮定。見之兵繼

之。綱五月。吳徐溫。時溫鎮潤州。今徙治昇州。見上十

徐知誥為潤州。綱秋八月。劉巖稱越帝于廣州。即清海

州。綱練使。綱冬十月。晉王

還晉陽。王連歲出征。凡軍府政事。一委監軍使張

承業。承業勸課農桑。畜積金穀。收市兵馬。征租行法。

不寬貴戚。由是軍民肅清。饋餉不乏。王或時須錢。捕

博。見上及給賜伶人。見四五卷而承業斬之。王乃置

酒庫中。各其子繼岌。及為承業舞。指錢欲賜之。承業

曰。此錢大王所以養戰士也。承業不敢以為私禮。王

不悅。語侵之。承業怒曰。僕老敕使爾。非為子孫計。惜

此庫錢。所以佐王成霸業也。不然。王自取用之。何問

僕為。不過財盡人散。一無所成爾。王怒。顧李紹榮。索

劍。承業起挽王衣。泣曰。僕受先王顧託之命。誓為國

家誅汴賊。梁朱若以惜庫物死於王手。僕下見先王

無愧矣。曹太夫人聞之。遽令召王。王惶恐叩頭謝請

張承業治晉陽

張承業惜庫錢

承業痛飲以分也解釋其過承業不肯王入宮太夫人

使人謝承業曰小兒忤特進承業官特進見五一卷五已答之矣

明日與王俱至承業第謝之未幾承制授承業開府

儀同三司左衛上將軍燕國公承業固辭不受但稱

唐官終身盧質嗜酒輕傲王銜恨也之承業恐其及

禍乘閒閒乘閒處言曰盧質數無禮請為大王殺之王

曰吾方招納賢士以就功業七哥何言之過也承業

起賀曰王能如此何憂不得天下質由是獲免

張承業可為內侍師

致堂胡氏曰張承業之志行雖縉紳士大夫有遠不能及者可以為內侍之師法矣為晉養民

法

畜財軍興不乏職也受克用顧託不敢違負忠也

使中常侍皆率此道烏有趙高石顯張讓之禍哉趙高見八卷十一石顯見十

註趙高見八卷十一石顯見十卷五張讓見二四卷二六

綱十一月晉王如魏州

綱戊寅晉岐吳稱唐天祐十五年梁貞明四春正

月晉師掠梁濮今山東東昌府濮州鄆州今山東而還

目梁敬翔上疏曰國家連年喪師疆土日蹙陛下所

與計事者皆左右近習豈能量敵國之勝負乎宜詢

訪黎老別求異策不然憂未艾也疏奏趙張趙巖及張漢鼎

綱鑑易知錄 卷六十一 五代梁主瑒 二七

吳徐知誥輔政

徐知誥以宋齊丘為謀主

兄弟之徒言翔怨望。梁主遂不用。綱夏六月。蜀主建。死。太子宗衍立。綱秋七月。吳以徐知誥為淮南見上行軍副使。輔政。綱吳徐溫入朝於廣陵即淮南治。以知誥為軍副使。知誥權潤州團練見上。事溫還金陵即昇州。見上。庶政皆決於知誥。知誥事吳王盡恭。接士大夫以謙。御眾以寬。約身以儉。綱通布平稅求賢才。納規諫。除姦猾。杜請託。於是士民歸心。宿將悅服。以宋齊丘為謀主。先是吳有丁口錢。又計畝輸錢。錢重物輕。民甚苦之。齊丘請綱丁口錢。餘稅悉輸穀帛。知誥從之。

水亭屏語

鐵筋畫灰為字

晉王大舉伐梁

由是江淮閒曠。上益闢桑柘。滿野國以富強。知誥欲進用齊丘。而徐溫惡之。知誥夜引齊丘於水亭屏屏右而語。常至夜分。或居高堂。悉去屏如障。獨置大爐。以鐵筋同著音住畫灰為字。隨以匙時滅去之。故其所謀人莫得而知也。綱八月。晉王大舉伐梁。法善伐何也晉王謀大舉伐梁。周德威將幽州步騎三萬。李存審。李嗣源。及王處直。遣將各將步騎萬人。及諸部落奚契丹。室韋。俱見四九吐谷渾。見五二皆以兵會之。并河東。見上卷魏博治直隸大名之兵。大閱於魏州。

軍於麻家渡實實云未詳處所梁賀瓌規謝彥章屯濮州見上

北相持不戰晉王好自引輕騎追敵營挑戰見五一

危窘者數四賴李紹榮力戰得免趙王鎔及王處直

皆遣使致書曰元元見二三四之命繫於王本朝中興

繫於王奈何自輕如此主笑謂使者曰定天下者非

白戰何由得之安可深居帷房以自肥乎一旦將出

李存審扣馬泣諫曰大王當為天下自重先登陷陣

存審之職也王為去之攬轡而還他日伺存審不在

策馬急出以數百騎抵梁營謝彥章伏精甲五千圍

南

王數十重王力戰僅得出始以存審之言為忠綱冬

十一月越改國號漢綱十二月晉王與梁戰于胡柳

陂坡周德威敗死晉王收兵復戰大破梁軍

綱已卯晉岐稱唐天祐十六年梁貞明五年蜀乾德元年吳宣王楊隆演武義元年是歲凡

六國四鎮春三月晉以郭崇韜為中門副使綱孟知祥薦

教練使鴈門今山西太原府代州郭崇韜能治劇極王以為中

門副使崇韜倜儻有智略臨事敢決王寵待日隆

知祥稱疾辭位崇韜專典機密綱夏四月吳王隆演

建國改元綱秋七月吳越攻吳常州吳人與戰破之

吳越王鏐遣錢傳瓘將兵三萬攻吳常州今江南常州府

徐溫帥諸將拒之戰於無錫今常州府無錫縣吳越兵敗殺

其將何逢傳瓘遁去溫募生獲叛將陳紹者賞錢百

萬獲之紹勇而多謀溫復使之典兵初吳將曹筠云

亦奔吳越溫厚遇其妻子遣間諜使告之曰使汝不

得志而去吾之過也及是役筠復奔吳溫自數上昔

日不用筠言者三而不問其罪歸其田宅復其軍職

筠內愧而卒吳越王鏐見何逢馬悲不自勝故將士

心附之鏐自少在軍中夜未嘗寐倦極則就圓木小

枕或枕去聲大鈴寐熟輒敲溪而寤名曰警枕置粉盤

於臥內有所記則書盤中比老不倦綱晉王以馮道

掌書記綱八月吳與吳越連和自是吳國休兵息民三十餘州民樂業者

餘年綱冬十二月吳團結民兵綱吳禁民私畜兵器

盜賊益繁御史臺主簿盧樞言今四方分爭宜教民

戰且善人畏法禁而姦民弄干戈是欲偃武而反招

盜也宜團結民兵使之習戰自衛鄉里從之

綱庚辰音岐稱唐天祐十七年梁貞明六年是歲梁晉岐蜀漢吳凡六國吳越湖南荆南福建

凡四夏五月吳宣王隆演卒弟溥立綱王疾溫自金

將徐溫還叛

曹筠內悅而卒

錢鏐悲何逢馬

警枕

粉盤

吳盧樞請團結民兵

陵入朝議當為嗣者或曰蜀先主謂武侯嗣子不才君宜自取見二十七卷十九溫正色曰吾果有意取之當在誅張顥見十六之初豈至今日邪使楊氏無男有女亦當立之敢妄言者斬乃以王命迎丹陽公溥監國王殂溥即位

**綱**辛巳晉岐稱唐天祐十八年梁龍德元年吳睿春皇楊溥順義元年是歲凡六國四鎮

正月晉得傳國寶蜀主吳王屢以書勸晉王稱帝晉王以示僚佐曰昔王太師王建亦嘗遺去先王書勸以自帝一方先王語去余云昔天子幸石門昭宗乾寧

二年王行瑜李茂貞韓建犯關李克用舉兵討三鎮王行約李繼鵬作亂上如石門鎮誅賊臣王行瑜誅之當是之時威振天下吾若挾天子據關中自作九錫見上禪文誰能禁我顧吾家世忠孝立功帝室誓死不為耳他日當務以復唐社稷為心慎勿效此曹所為言猶在耳此議非所敢聞也因泣既而將佐及藩鎮勸進帝勉進上不已乃令有司市玉造法物黃巢之破長安也魏州見僧得傳國寶至是以為常玉將鬻之或識之曰傳國寶也乃詣行臺獻之將佐皆奉觴稱賀張承業聞之亟詣魏州

魏州僧獻  
晉傳國寶  
張承業詣  
魏州亟諫

寶至是以為常玉將鬻之或識之曰傳國寶也乃詣行臺獻之將佐皆奉觴稱賀張承業聞之亟詣魏州



諫曰。吾王世世忠於唐室。救其患難。所以老奴三十餘年為王。拮据均上拾拮也財賦。名補兵馬。誓滅逆賊。復本朝宗社耳。今河北見上甫定。朱氏尚存。而王遽即大位。殊非從來征伐之意。天下其誰不解體乎。王何不先滅朱氏。復列聖之深讎。然後求唐後而立之。南取吳。西取蜀。汎掃宇內。合為一家。當是之時。雖使高祖太宗復生。誰敢居王上者。讓之愈久。則得之愈堅矣。老奴之志無他。但以受先王大恩。欲為王立萬年之基耳。王曰。此非余所願。奈羣下意何。承業知不

可止。慟哭曰。諸侯血戰。本為唐家。今王自取之。誤老奴矣。即歸晉陽。邑邑同悵成疾。不復起。綱秋七月。晉以蘇循為節度副使。循循故唐之驍將。晉王乃悅其諛而用之。不念其賣國於盜乎直筆書之。失自見矣。晉王既許藩鎮之請。求唐舊臣。朱友謙去年四月。梁朱友遣蘇循。梁開平元年。蘇循等並謙復以河中降晉。遣蘇循。勸致仕。循與子楷友謙依朱詣行臺。循至魏州。望府即拜。謂之拜殿。見王呼萬歲。舞蹈泣而稱臣。翌日。又獻大筆三十枚。謂之畫日筆。王大喜。即命循為河東節度。上治河中見十九。副使。張承業深惡之。

蘇循拜殿

畫日筆

綱 壬午。晉岐稱唐天祐十九年。梁龍多十一月。唐特德二年。是歲凡六國四錢。進。見上卷。監軍使張承業卒。書法見曹二六。河東。見上卷。監軍使張承業卒。八卷六。曹太夫人詣其第。為之行服。如子姪之禮。晉王聞之。亦不食者累日。

右後梁二主共十七年

尺木堂綱鑑易知錄卷六十一

尺木堂綱鑑易知錄卷六一

周之炯靜專

通鑑綱目定本

山陰吳乘權楚材同輯

周之燦星若

後唐紀

莊宗皇帝

姓李名存勳。小字亞子。其先出於西突厥。

功拜振武節度。賜姓李名國昌。父克用破黃巢。復京師。功拜河東節度。封晉王。存勳嗣立。滅梁。稱帝。國號唐。在位三年。為晉王存勳嗣立。滅梁。郭從謙所弑。壽三十五歲。

綱 癸未。

岐稱唐天祐二十年。梁龍德三年。盡十月。四。月。以後唐莊宗李存勳同光元年。是歲梁

亡晉稱唐凡五國四鎮夏四月晉王存勖稱皇帝于魏州見上卷二

八國號唐法書網目於晉多予辭此其書稱皇帝如梁

所以未滅而遽自立網目借之書曰國號唐唐以

使綱閏月唐遣李嗣源襲梁鄆州見上卷取之以嗣

源為節度使綱秋七月唐盧程罷綱八月梁以段凝

為招討使遣王彥章張漢傑攻鄆州綱梁將康延孝

奔唐法書網目唐有滅梁之志矣凡外將必關於成敗之故

而後書是故得李祐而後淮西之破決得綱李祐見

延孝而後朱梁之亡決綱目每難書之綱五六卷

八日唐主引兵屯朝城今山東東昌府朝城縣康延孝來奔唐

主解錦袍玉帶賜之以為招討指揮使問以梁事對

曰梁朝地不為狹兵不為少然主既暗懦趙張見上卷二

擅權段凝智勇俱無近又聞欲數道出兵令董璋

趣趙太原見五九卷霍彥威寇鎮定見上卷王彥章

攻鄆州段凝當陛下決以十月大舉臣竊觀梁兵聚

則不少分則不多願陛下養勇蓄力以待其分帥精

騎五千自鄆州直抵大梁梁東都今河南開封府見上卷十九擒其偽

主旬月之間天下定矣唐主大悅綱冬十月唐主救

康延孝為唐謀滅梁

梁康延孝奔唐

鄆州梁師敗績王彥章死之唐主入大梁梁主瑱自  
 殺唐遂滅梁唐主聞梁人欲大舉數道入寇深以  
 為憂召郭崇韜問之對曰梁今悉以精兵投段凝決  
 河自固恃此不復為備凝非將材不足畏降者皆言  
 大梁無兵陛下若留兵守魏見同保楊劉亦作雷  
名在鄆自以精兵與鄆州合勢長驅入汴汴州即偽  
 主授首則諸將自降矣唐主曰此正合朕志丈夫得  
 則為王失則為虜吾行決矣王彥章將攻鄆州李嗣  
 源遣從珂魏氏為嗣源妾故養以為子逆也戰敗其

廢帝李從

前鋒彥章退保中都今山東兗州府汶上縣捷奏至唐主喜曰

鄆州告捷足壯吾氣濟河至鄆州中夜進軍以李嗣  
 源為前鋒遇梁兵一戰敗之追至中都圍之梁兵潰  
 會追擊破之彥章走將軍李紹奇追之彥章重傷馬  
 蹶王顛遂擒之并擒張漢傑等二百餘人斬首數  
 千級唐主惜彥章之材欲用之彥章曰余本匹夫蒙  
 梁恩位至上將與皇帝交戰十五年今兵敗力窮死  
 自其分縱皇帝憐而生我我何面目見天下之人乎  
 豈有朝為梁將暮為唐臣此我所不為也康延孝請

王彥章

亟取大梁。嗣源曰：兵貴神速。今彥章就擒，段凝必未  
之知。此去大梁至近，無險方也。並陳兼程信宿見七可  
至。段凝未離河上。友貞梁王瑱初名友貞已為吾擒矣。延孝  
之言是也。請陛下以大軍徐進，臣願以千騎前驅。唐  
主從之。令下，諸軍踴躍。嗣源是夕遂行。明日，唐主發  
中都，以王彥章終不為用，斬之。越二日，至曹州。今兗州府  
曹州梁守將降。梁主聞彥章就擒，唐軍且至，日夜涕泣。  
不知所為。置傳國寶於臥內，忽失之。已為左右竊之。  
迎唐軍矣。梁主謂皇甫麟曰：吾不能自裁，卿可斷短。

吾首麟泣曰：臣為陛下揮劍死，唐軍則可矣。不敢奉  
此詔。梁主曰：卿欲賣我邪？麟欲自剄。梁主持之曰：與  
卿俱死。麟遂弑梁主。因自殺。梁主為人溫恭儉約，無  
荒淫之失。但寵信趙張，見使擅威福。疎棄敬李。敬李李振  
舊臣不用其言，以至於亡。李嗣源軍行五日，至大梁。  
王瓚開門出降。是日，唐主亦至。入自梁門，嗣源迎賀。  
唐主喜不自勝，升手引嗣源衣，以頭觸之曰：吾有天  
下，卿父子之功也。天下與爾共之。詔漆朱友貞首函  
之，藏於太社。**綱**梁段凝降唐。賜姓名**綱**敬翔已益李

綱梁段凝降唐。賜姓名。綱敬翔。已益。李

振趙巖張漢傑等伏誅夷其族綱唐毀梁宗廟追廢朱溫朱友貞為庶人綱唐以郭崇韜守侍中綱梁河南尹見四八張宗爽即唐河南尹張全義梁祖朱溫改其名為宗爽入朝于唐綱宗爽來朝復名全義唐主欲發梁太祖墓斲棺焚屍全義言朱溫雖國之深讎然其人已死刑無可加屠滅其家足以為報乞免焚斲以存聖恩唐主從之但鑿產其闕室削封樹而已

致堂胡氏曰朱全忠并殺二主毀唐宗社凶悖殘暴無與為比莊宗列數其罪誕告多方發冢斲棺焚屍而厲之汗猶其宮室然後快人心合天意垂後來亂賊之鑒全義懷私甘辱豈知帝

王懲戒之大方莊宗過聽其言而略於討惡之典惜哉

綱唐加李嗣源中書令綱楚王殷馬殷見上遣使人貢于唐綱吳王楊溥見上遣使如唐綱吳貶鍾泰章為饒州刺史今江西南陽府壽州綱吳人告壽州章侵市官馬者徐知誥見上卷遣王稔代之以泰章為饒州今江西饒州府刺史徐溫召至金陵見上使陳彥謙詰之詰三不對或問泰章何以不自辨泰章曰吾在壽州去淮數里步騎五千苟有他志豈王稔單騎能代之乎我義不負國雖黜為縣令亦行況刺史乎何

鍾泰章三詰不對

張全義諫發梁宗墓

為自辨以彰朝廷之失。綱華星見五卷見華出與鬼

亡之。綱十一月唐以李紹欽即段為泰寧節度使。目

紹欽因伶人見上卷景進納貨於宮掖掖宮故有是

命唐主幼善音律或時自傳附粉墨與優人共戲於

庭以悅劉夫人優名謂之李天下嘗自呼曰李天下

李天下優人敬新磨遠前批以手擊其頰唐主失色。

新磨徐曰理天下者只有一人尚誰呼邪唐主悅厚

賜之諸伶出入宮掖侮弄搢紳羣臣憤疾莫敢出氣

綱唐以趙光胤韋說同平章事豆盧革判租庸見四卷

兼鹽鐵轉運使。目唐荆南見上卷節度使高季興

本名季昌避唐朝諱更名季興入朝尋還綱十二月唐遷都洛陽今

洛陽縣。目從張全義之請也。

綱甲申後唐同光二年是歲春正月岐見五九王

茂貞李茂遣使入貢于唐綱二月唐主祀南郊人赦

目郭崇韜頗受饋遺所親諫之崇韜曰吾祿賜巨萬

豈藉外財但以為梁之季賄賂成風今河南藩鎮皆

梁之舊臣主上之仇讎也若拒其意能無懼乎吾特

為國家藏之私室耳及將祀南郊崇韜獻錢十萬緡

郭崇韜不  
拒賂遺

優名李天  
下

不財賦為  
內外府

民。錢

先是宦官勸唐主分天下財賦為內外府。州

縣上供者入外府。充經費。方鎮貢獻者入內府。充宴

賜。於是外府常虛竭無餘。而內府山積。及是乏勞

去軍錢。崇韜言於上曰。臣已傾家所有。以助大禮。願

陛下亦出內府之財。以賜有司。唐主默然。久之曰。晉

陽舊晉都今山西太原府自有儲積。可令租庸見輦連上取。於

是軍士皆不滿望。始怨恨有離心矣。綱唐以李茂貞

為秦見五九王。綱唐立夫人劉氏為后。目郭崇韜位

張改號秦

兼將相權侔人主。性剛急。遇事輒發。嬖倖僥求多所

摧抑。宦官朝夕短之。崇韜扼腕不能制。先是唐主欲

以劉夫人為皇后。而有正妃韓夫人在。太后曹素惡

劉夫人。崇韜亦屢諫。唐主以是不果。於是所親說崇

韜曰。公若請立劉夫人為皇后。則伶官輩不能為患

矣。崇韜從之。與宰相帥百官共奏請立之。

致堂胡氏曰崇韜希莊宗邪心請立非所宜立將以自安反以自族嗚呼豈不足為持祿迷邦者之戒哉

綱三月唐封高季興為南平今湖廣岳州王。綱唐以

李存賢為盧龍節度治直隸永平府使。目初唐主嘗與存賢

渤海改封  
南平

綱

綱

七



唐主不失  
手搏之約

手搏存賢不盡其技。唐主曰：汝能勝我，當授藩鎮。存賢乃什唐主。至是以存賢鎮幽州。隸盧龍軍。今直隸順天府。曰：手搏之約，吾不食言。謂言已出而反吞之也。商書朕不食言。矣。綱夏四月，唐遣客省使李嚴如蜀。目唐遣客省使李嚴使於蜀。嚴還言：王衍童駮，荒縱不親政務，賢愚易位，刑賞紊亂，大兵一臨，瓦解土崩。見二十三卷二十四可翹也。足而待也。唐主然之。綱唐秦王李茂貞卒。遺奏以其子繼五月，唐以李繼職為鳳翔節度使。綱秋八月，唐以孔謙為租庸使。目謙重斂急徵，以充唐王之

黜李從珂

欲民不聊生，賜號豐財，贍國功臣。綱冬十二月，契丹見上卷。寇蔚州。見五九卷三唐遣李嗣源禦之。綱乙酉，後唐同光三年。蜀成康元年。是歲凡四國四鎮。春二月，唐以李嗣源為成德節度使。治直隸真定府。綱三月，唐黜李從珂為突騎指揮使。目唐主性剛好勝，不欲權在臣下。信伶官之讒，頗疎忌宿將。李嗣源家在太原。見上表從珂為北京。後唐以鎮州為真定府。建北都尋復廢為成德軍。內牙同指揮使，以便其家。唐主怒，黜從珂為突騎指揮使，帥數百人戍石門鎮。在陝西西安府淳化縣。綱秋七月，唐太后曹氏

殺羅貫

殂。目唐主哀毀五日方食。綱八月唐主殺其河南令羅貫。貫性彊直。為郭崇韜所知。用為河南令。為政不避權豪。伶官請託一不報。皆以示崇韜。崇韜奏之。由是伶官切齒。張全義亦惡之。遣婢訴於劉后。后與伶官共毀之。唐主含怒未發。會往視坤陵。曹太后墓也道潭。寧上聲。泥潭也。橋壞。怒下貫獄。明日傳詔殺之。崇韜諫曰。貫法不至死。唐主怒曰。太后靈駕將發。天子朝夕往來。橋道不脩。卿言無罪。是黨也。崇韜曰。陛下以萬乘之尊。怒一縣令。使天下謂陛下用法不平。臣之罪也。唐主不聽。貫竟死。暴屍府門。遠近冤之。

郭崇韜諫殺羅貫

莊宗不能充其類

致堂胡氏曰。莊宗五日不食。學禮者之所難也。然曾子曰。斷一樹。殺一獸。不以其時。非孝也。沈為伶官譖毀而殺賢令。乎然則莊宗之不食五日。才足為小節。而殺賢縣令。是乃大不孝。可謂不能充其類者也。

綱九月唐遣魏王繼岌及郭崇韜將兵伐蜀。目唐主與宰相議伐蜀。以繼岌莊宗子充西川見上卷行營都統。郭崇韜充都招討制置等使。軍事悉以委之。又以高季興充招討使。李繼暉充轉運使。李令德李紹琛反丑森張筠云毛璋董璋李嚴皆為列將。將兵六萬伐

綱鑑易知錄

五代唐莊宗

蜀七

蜀工部尚書任圜翰林學士李愚並參預軍機綱

冬十一月唐師滅蜀蜀主王衍降臣郭崇韜入散關

在陝西鳳翔倍道而進蜀王承捷以鳳今陝西漢中府鳳縣與

今漢中府文縣扶今陝西慶陽府寧州四州印節迎降崇

韜曰平蜀必矣蜀主命王宗弼守利州今四川保寧府廣元縣

李紹琛晝夜兼行趣趨利州繼岌至興州蜀諸城鎮

皆望風款附高季興常欲取三峽見二七卷畏蜀將

張武不敢進至是乘唐兵勢自將水軍上峽取施州

今湖廣都司施州衛武以鐵鎖斷短江路季興遣勇士乘舟斫

斬也之會風大起舟絙對於鎖不能進退季興輕

舟遁去崇韜遣去王宗弼書為陳利害宗弼棄城歸

成都蜀都今四川成都府李紹琛進至綿州今成都府綿州蜀斷綿江

在成都在漢州浮梁水深無舟楫紹琛與李嚴乘馬浮度江

從兵得濟者僅千人溺死者亦千人遂入鹿頭關在

都府德陽縣據漢州宗弼遣使勞去軍且以蜀主書遺李

嚴曰公來吾即降嚴馳入成都蜀主遣兵部侍郎歐

陽彬奉降書以迎繼岌崇韜繼岌至成都李嚴引蜀

王出降大軍入成都崇韜禁侵掠市不改肆自出師

後蜀  
祥

至是凡七十日。高季興聞蜀亡。方食。失匕箸。曰。是老  
夫之過也。梁震曰。不足憂也。唐主得蜀。益驕。亡無日  
矣。安知其不為吾福。**綱**十二月。閩見上卷王王審知  
卒。子延翰立。**綱**唐以孟知祥為西川見上節度使。**綱**閩  
月。唐遣宦者馬彥珪使蜀軍。自郭崇韜素疾宦者。宦  
官皆切齒。時蜀中盜賊羣起。崇韜恐大軍既去。更為  
後患。命任圜張筠分道招討。以是淹留未還。唐主遣  
宦者向延嗣促之。崇韜不出迎。延嗣怒。李從襲曰。近  
聞郭廷誨崇韜子白其父請表已為蜀帥。諸將皆郭氏

楚鑄錢  
錢

之黨。王寄身於虎狼之口。一朝有變。吾屬不知委骨  
何地矣。延嗣歸。具以語劉后。后泣訴於唐主。請早救  
繼岌。唐主復遣宦官馬彥珪馳詣成都。彥珪說稅劉  
后。自為教。與繼岌令殺崇韜。**綱**楚見上鑄鉛鐵錢。  
**綱**丙戌後唐同光四年四月。明宗李嗣源天成元年。吳越寶正元年。是歲蜀國凡四國。  
三春正月。唐魏王繼岌殺郭崇韜。自魏王繼岌將發  
成都。馬彥珪至。以皇后教示繼岌。李從襲等相與巧  
陳利害。繼岌從之。召從韜計事。從者李環搥職瓜反  
碎其首。并殺其子廷誨。廷信。**綱**二月。唐鄴都後唐初

為興唐府建東京去年改亂趙進為指揮使從兵大

遣李紹榮招諭之綱唐李紹榮攻鄴都不克唐

討鄴兵劫李嗣源

遣李嗣源將親軍討鄴都綱唐討鄴兵劫李嗣源入

鄴都目李嗣源至鄴都城西南下令詰乞且明且攻

城是夜從馬直軍士張破敗作亂帥眾大譟焚營嗣

源叱而問之對曰將士從主上十年百戰以得天下

今貝州見五四戊怒卒思歸主上不赦從馬數卒誼

競遽欲盡誅其眾我輩初無叛心但畏死耳今欲與

城中合勢請主上帝河南見上六令公稱帝河北

即鄴都河嗣源涕泣諭之不從遂拔白刃擁嗣源父

李紹真等大城城中不受外兵逆擊之皆潰會趙在

禮帥諸校迎拜嗣源泣謝曰將士輩負令公敢不惟

命是聽嗣源詭說在禮曰凡舉大事須藉兵力今外

兵流散無所歸我為公出收之在禮乃聽嗣源紹真

出城宿魏縣今大名散兵稍有至者

遂昌尹氏曰歐陽公脩作五代史於莊宗本紀書李嗣源反自以為得春秋之法今綱目於嗣源之事待之甚怒是時俱亂者張破敗既不書其主名止書討鄴兵劫嗣源入鄴言兵則罪均於衆而嗣源之責為輕言劫則非嗣源本意而出於衆兵之所劫持又不以軍亂為文而繼書

綱目待綱源甚怒

誅心原情

嗣源奔相州於下則見其棄衆獨奔之意皆所以推原本心以恕待之耳嗣源亦何以得此於綱目哉夫以莊宗失道寵信伶臣殺戮無辜軍民怨叛嗣源胡人目不知書非有篡國之心乎帝之意偶爲亂兵所劫既越魏縣衆不滿百欲束身請闕復爲李紹榮間絕迫於逃死進退維谷旣而衆軍歸之如蛾赴火然後入洛人沐之行始不可過以理言之固可責以不能死節之義若槩以反逆誅之彼亦有詞於我矣綱目誅亂臣討賊子凜乎不怒而乃書法如此是豈私於嗣源者哉春秋誅心之法推見至隱亦以嗣源本心甚明初無他意耳趙穿弒君而歸獄趙盾者誅其心也嗣源得國而綱目怒之者原其情也一輕一重之間而綱目之情見矣春秋之法明矣尚何疑哉

趙盾見四

綱目李嗣源奔相州目李嗣源之爲亂兵所逼也李

安重誨諫李嗣源歸

紹榮有衆萬人營於城南嗣源遣人召之欲與共攻亂者紹榮疑不應及嗣源入鄴遂引兵去嗣源在魏縣衆不滿百李紹真所將鎮兵五千歸之由是兵稍振嗣源欲歸藩待罪中門使安重誨曰公爲元帥不幸爲凶人所劫李紹榮不戰而退歸朝必以公藉口公若歸藩則爲據地邀君適足以實讒慝之口耳不若星行詣闕面見天子庶可自明嗣源曰善南趣趙州今河南彰德府遇馬坊使康福得馬數千匹始能成軍綱目李嗣源引兵向大梁目李紹榮退保衛州今河南

後晉高祖  
石敬瑭

府輝奏李嗣源已叛與賊合。嗣源遣使上章自理。一日  
數輩皆為紹榮所遏不得通。嗣源由是疑懼。石敬瑭  
曰夫事成於果決而敗於猶豫。見九卷安有上將與  
叛卒入賊城而他日得保無恙乎。大梁。見上天下之  
要會也。願假三百騎先往取之。公引大軍亟進。如此  
始可自全。康義誠曰主上無道軍民怨望公從衆則  
生守節必死。嗣源乃令安重誨移檄吸會兵。李從珂  
將所部兵趣鎮州。今真定府見上與虞候將王建立  
合。倍道從嗣源。嗣源分三百騎使石敬瑭將之前驅。

李從珂為殿。顯去聲軍勢大盛。李紹榮至洛陽勸唐主

幸關東招撫唐主從之。**綱**唐主如關東。李嗣源入大

梁。唐主乃還。**目**唐主發洛陽知汴州。即大梁孔循遣使

迎唐主亦遣使輸款於嗣源曰先至者得之。嗣源入

大梁。唐主至萬勝鎮。質實云未詳處所聞嗣源已據大梁諸

軍離叛。神色沮喪。登高歎曰吾不濟矣。即命旋師。唐

主至石橋西置酒悲涕。晚入洛城。**綱**夏四月唐伶人

郭從謙弒其主存勳。李嗣源入洛陽。**目**四月朔從馬

直指揮使郭從謙帥所部兵攻興教門。唐主方食。聞

伶人弒莊  
宗

變帥衛兵擊之。亂兵焚興教門。緣城而入。近臣宿將皆釋甲潛遁。俄而唐主為流矢所中。須臾遂殂。左右皆散。鷹坊人善友斂樂器覆屍而焚之。是日李嗣源至罌子谷。實實云未詳處所聞之。慟哭。謂諸將曰。主上素得士心。正為羣小蔽惑致此。今吾將安歸乎。乃入洛陽。止於私第。禁焚掠。拾莊宗骨於灰燼之中而殯之。是日豆盧革帥百官上牋勸進。勸勉進上帝號也嗣源不許。**綱**唐李嗣源監國。百官三牋請嗣源監國。嗣源乃許之。**綱**唐以安重誨為樞密使。張延朗為副使。唐張

居翰罷。以孔循為樞密使。唐魏王繼岌至長安。自

殺**綱**唐主嗣源立。書郭從謙弒其主。然後書嗣源

書嗣源立。皆順辭也。**綱**有司議即位禮。李紹真孔循

以為唐運已盡。宜自建國號。監國問左右。何謂國號。

對曰。先帝賜姓於唐。為唐復讎。故稱唐。今梁朝之人

不欲殿下稱唐耳。監國曰。吾年十三事獻祖。李國獻

祖以吾宗屬。視吾猶子。又事武皇。李克用先帝垂五十

年。經綸攻戰。未嘗不預。武皇之基業。則吾之基業也。

先帝之天下。則吾之天下也。安有回家而異國乎。李

李嗣源不  
改國號



嗣子柩前即位之禮

琪曰。若改國號。則先帝遂為路人。梓宮見二卷八安所託乎。不惟殿下不忘三世舊君。吾曹為人臣者。能自安乎。前代以旁支入繼多矣。宜用嗣子柩前即位之禮。眾從之。監國服斬衰於柩前即位。百官縞素。既而御袞冕受冊。百官吉服稱賀。

百官轉對

胡氏曰。李琪之言是也。然國亡君殺。子不得立。而他人是保人。臣心不自安。尚有大於此者乎。  
綱唐以鄭珏覺任園同平章事。綱唐初令百官轉對。目初令百官正衙常朝外。五日一赴內殿起居。轉對奏事。法譜五日一轉對。吟綱唐以馮道趙鳳為端明殿

王延翰稱閩王 盧文進歸唐

學士。目唐主目不知書。四方奏事皆令安重誨讀之。重誨亦不能盡通。乃奏諸選文學之臣與之共事。以備應對。乃置端明殿學士。以道鳳為之。綱秋七月。契丹阿保機見上卷二四死。綱九月。契丹德光立。目契丹述律后見同上愛中仲子名德光長子名。故立之。綱冬十月。王延翰自稱閩王。綱契丹盧龍節度見上使盧文進奔唐。目文進見上卷二五為契丹守平州。即平府唐主遣人說之。以易代之後無復嫌怨。文進所部皆華人。思歸。乃帥其眾十萬歸唐。綱十二月。閩王延稟審分弒其

君延翰而立其弟延鈞。

明宗皇帝 胡人名邈佶烈為李克用養子更名嗣源 莊宗被弒百官立為帝在位八年壽六十

七歲而殂

綱丁亥 後唐天成二年。吳乾貞元年。是歲春

二名不連 稱者不避

正月唐主更名亶 目初唐主詔朕二名不連稱者勿

避至是乃改名綱 唐以馮道崔協同平章事目安重

誨以孔循知朝士行能多聽其言時議置相循已薦

鄭珣又薦崔協而任園欲用李琪珣素惡琪故循力

沮之謂重誨曰李琪非無文學但不廉耳他日議於

崔協識字 甚少

唐主前園曰重誨未悉朝中人物為人所賣協雖名

馮道與物 無競

家識字甚少臣既以不學忝相位奈何更益以協為

天下笑乎唐主曰宰相重任卿輩審之吾在河東 見

卷一時見馮書記 見上卷 多才博學與物無競此可相

矣既退循不揖拂衣去因稱疾不朝者數日重誨謂

園曰今方乏人協且備員可乎園曰明公捨李琪而

棄蘇合而 取蛭蟻

相崔協是猶棄蘇合之丸取蛭 乞蛭之轉也 蘇合出

秦國合會諸香煎其汁名曰蘇合本草蘇合香味甘

溫無毒主辟惡殺鬼精物溫瘧蠱毒癩瘖去三蠱蛭

蛭黑甲蟲一名蛭蛭一名弄丸能以土

包糞轉成丸莊子以蛭蛭而笑蘇合

註音 瘧音閉瘖音

音蟻 蛭音

良循與重誨日短琪而譽協竟以道協同平章事綱

唐主以其子從厚為河南尹判六軍諸衛事綱二月

唐主以壻石敬瑭尚末寧為六軍諸衛副使綱唐郭

從謙伏誅夷其族綱夏五月唐任圜罷綱唐以馬殷

見上為楚國主綱殷始建國立宮殿置百官以姚彥

章許德勳為丞相綱冬十月吳丞相徐溫卒唐以

石敬瑭為侍衛親軍都指揮使綱十一月吳王楊溥

見上稱帝綱十二月唐以周玄豹為光祿卿致仕濬

趙鳳於是可謂善悟主矣明宗綱初晉陽見上相者

周玄豹嘗言唐主貴不可言唐主欲名詣闕趙鳳曰

玄豹言已驗矣無所復詢若置之京師則輕躁狂險

之人必輻湊其門爭問吉凶自古術士妄言致人族

滅者多矣非所以靖國家也乃就除光祿卿致仕厚

賜金帛而已綱有年

綱戊子後唐天成三年。漢大有春三月唐以孔循

為東都即洛陽留守王建立同平章事綱秋七月唐收

荆南見上節度使高季興卒綱吳立其子從誨代之

趙鳳快論

有年

收餉稅

南平高從誨嗣

綱鑑易知錄

五代唐明宗

**綱** 已丑唐天咸四年。吳太和春三月。楚王殷以其

子希聲知政事。總諸軍。夏四月。唐以趙鳳同平章

事。**綱** 秋七月。唐以高從誨為荆南節度使。**綱** 有年

唐主與馮道從容語及年穀。屢登四方無事。道曰。臣

昔在先皇幕府。見上奉使中山。今直隸真定府定州歷井陘。刑

井陘縣。之險。臣憂馬蹶。執轡甚謹。幸而無失。逮至

平路。放轡自逸。俄至顛隕。凡為天下者。亦猶是也。唐

主深以為然。又問道。今歲雖豐。百姓贍足否。道曰。農

家歲凶則死於流殍。歲豐則傷於穀賤。豐凶皆病者。

馮道誦事  
納諫

惟農家為然。臣記進士聶夷中詩云。二月賣新絲。五

月糶新穀。醫得眼前瘡。剜却心頭肉。語雖鄙俚。曲盡

田家之情狀。農於四民之中。最為勤苦。人主不可不

知也。唐主悅。命左右錄其詩。常諷誦之。**綱** 冬十月。吳

加徐知誥兼中書令。

**綱** 庚寅。唐長興元年。是春三月。唐立淑妃曹氏為

后。**綱** 秋八月。唐以張延朗為三司使。三司使之綱。唐

立子從榮為秦王。從厚為宋王。九月。唐以范延光

為樞密使。**綱** 冬十一月。楚武穆王馬殷卒。子希聲嗣。

綱鑑易知錄

雞雁

目殷遺命諸子兄弟相繼及卒希聲襲位去建國之制希聲居喪無戚容葬殷之日頓食雞雁王逸注有菜日羹無菜日臠顏師古日羹之與臠但烹煮異齊調和不同非關有菜無菜也齊音濟平聲醬屬也數盤其臣潘起譏之曰昔阮籍見二九居喪食蒸豚何代無賢

綱辛卯唐長興二年是歲凡四國三鎮春二月唐以安重誨為護

國節度治山西平陽府蒲州使綱吳以宋齊丘為右僕射致仕

目吳徐知誥欲以宋齊丘見上卷為相齊丘自以資

望素淺欲以退讓為高謁歸謁告歸休猶言請假洪州今江西南昌府

解縱五坊鷹隼

吳徐知誥鎮金陵

葬父因入九華山在江南池州府應天寺啓求隱居吳王下

詔徵之不至知誥遣其子景通入山敦諭齊丘始還

除右僕射致仕綱唐以李愚同平章事綱夏四月唐

殺其太子太師致仕安重誨綱秋九月唐敕解縱五

坊見五五鷹隼辛上聲。隼屬急疾之鳥也目敕解縱鷹隼內外

無得更進馮道曰陛下可謂仁及鳥獸唐主曰不然

朕昔嘗從武皇李克用獵時秋稼方熟有獸逸入田中

遣騎取之比得獸餘稼無幾以是思之獵有損無益

故不為耳綱冬十一月吳以其中書令徐知誥鎮金

陵。徐景通為司徒。輔政。目知誥表請歸老金陵。見上卷十

六以知誥為鎮海。治江南寧國。今江南節度使。鎮金

陵。總錄朝政。以其子景通為司徒。同平章事。知中外

左右諸軍事。雷江都。吳都今江南揚州府。輔政。以王令謀。宋齊

丘為左右僕射。夜並同平章事。兼內樞使。使以佐景

通。知誥作禮賢院於府舍。聚圖書。延士大夫。與孫晟

陳覺議時事。

綱壬辰。唐長興三年。是春二月。唐初刻九經版。印

賣之。書賣之。向譏也。然學者得

徐知誥作禮賢院

刻九經版印賣

致堂胡氏曰。有天下國家。必以經術示教化。不意五季之君。夷狄之人。而所以先務。可不謂賢乎。雖然。命國子監。以大本行。所以一文。義去僻。訛使。人不迷於所習。善矣。頌之。可也。書之。非也。或曰。天下學者。甚衆。安得入人而頌之。曰。以監本為正。俾郡邑皆傳刊焉。何患於不給哉。

綱三月。吳越武肅王錢鏐卒。子元瓘。嗣。瓘寢疾。

謂將吏曰。吾疾必不起。諸兒皆愚懦。誰可為帥者。衆

泣曰。兩鎮令公。傳瓘也。仁孝有功。孰不愛戴。鏐乃悉出

印。鑰授傳瓘曰。將吏推爾宜善守之。又曰。子孫善事

中國。勿以易姓廢事大之禮。卒年八十一。傳瓘更名

元瓘。綱秋七月。唐武安節度。治湖廣長沙使馬希聲

錢鏐屬元瓘

卒。八月，弟希範嗣。綱唐以李從珂為鳳翔今陝西節

徐知誥廣金陵城

度使。綱吳徐知誥廣金陵城。綱九月，唐大理少卿康

澄上疏論事，唐主優詔答之。目澄上疏曰：國家有不

五不足懼

足懼者五，有深可畏者六。陰陽不調，不足懼。三辰日

星也，失行不足懼。小人訛言，不足懼。山崩川涸，不足懼。

也。失行不足懼。小人訛言，不足懼。山崩川涸，不足懼。

六深可畏

蠹謀食苗根賊食苗節傷稼，不足懼。賢人藏匿，深可畏。四

民遷業，深可畏。上下相徇，深可畏。廉恥道消，深可畏。

毀譽平聲亂真，深可畏。直言蔑聞，深可畏。不足懼者，願

陛下存而勿問，深可畏者，願陛下脩而靡忒。唐主優

詔獎之。綱冬十一月，唐以石敬瑭為河東節度使。目

秦王從榮喜為詩，聚浮華之士高輦等於幕府。見上

明宗戒燕王喜為詩

與相唱和，頗自矜伐。唐主語去聲之曰：吾雖不知書，然

喜聞儒生講經義，開益人智思。四吾見莊宗好為詩，

將家子，文非素習，徒取人竊笑。汝勿效也。從榮為人

鷹視，輕佻，挑峻急，既參朝政，驕縱不法。石敬瑭兼六

軍諸衛副使，其妻永寧公主與從榮異母，素相憎疾。

故敬瑭不欲與從榮共事，常思外補以避之。會契丹

欲入寇，唐主命擇河東治晉陽，今山西太原府帥。樞密使范延

...

光趙延壽皆曰。今帥臣可往者獨石敬瑭。康義誠耳。

樞密直學士李崧嵩以為非石太尉不可。遂以敬瑭

鎮河東。敬瑭至晉陽。以部將劉知遠周瓌規為都押

衙。委以心腹。軍事委知遠。帑備藏委瓌。

綱癸巳唐長興四年。閩主王延鈞龍春正月。閩王

王延鈞稱帝。更名璘。唐以孟知祥為蜀王。三月。

唐立子從珂為潞王。從益為許王。綱吳徐知誥營宮

城於金陵書營宮城。吳將遷也。斥徐知誥何自宋齊

丘勸知誥徙吳主都金陵。知誥乃營宮城於金陵。綱

後漢高祖劉知遠

後蜀

徐知誥欲王金階

秋七月。唐以錢元瓘為吳王。冬十一月。唐主疾病。

秦王從榮作亂。伏誅。綱唐主亶殂。目明宗性不猜忌。

與物無競。登極之年。已踰六十。每夕於宮中焚香祝

天曰。某胡人。因亂為衆所推。願天早生聖人。為生民

主。在位年穀屢豐。兵革罕用。較於五代。粗為小康。

致堂胡氏曰。明宗美善頗多。過舉亦不至甚。求於漢唐之間。蓋亦賢主也。其尤足稱者。內無聲色。外無遊畋。不任宦官。廢內藏庫。賞廉吏。治賦。靈若輔相。得賢則其過舉當又損矣。其焚香祝天之言。發於誠心。天既厭亂。遂生聖人。用是觀之。天人交感之理。不可誣矣。

綱十二月。唐主從厚立。目唐主自終易月之制。凡三

每夕焚香祝天

天人交感之理不可誣



日也漢文帝遺詔 即名學士讀貞觀唐太宗政要太

短喪以日易月 宗實錄有致治之志然不知其要寬柔少斷李愚私

謂同列曰位高責重事亦堪憂孟知祥聞明宗死亦

謂僚佐曰宋王幼弱為政者皆胥吏小人其亂可坐

而俟也

閔帝名從厚明宗第三子在位四月為李從珂所弒

綱甲午唐閔帝從厚應順元年四月以後唐主從珂清泰元年蜀主孟知祥明德元年是歲

蜀建國凡五國三鎮春正月唐以高從誨為南平見上王馬希

範為楚王錢元瓘為吳越王綱蜀主孟知祥稱帝趙

李從珂舉兵鳳翔

季良為司空平章事綱唐以潞王從珂為河東見上節度使石敬

瑭為成德見上節度使從珂舉兵鳳翔見上唐遣兵

討之官軍降潰會羽林指揮使楊思權等降統軍西都留守王思同等六節度使皆遁

去綱唐潞王從珂至長安唐主以康義誠為招討使

將兵拒之殺馬軍指揮使朱洪實綱從珂至長安唐

都今陝西西安府長安縣副留守劉遂雍迎謁都監王景從等奔

還中外大駭唐主不知所為欲自迎潞王以大位讓

之樞密使朱弘昭馮贇賓大懼唐主遣使召石敬瑭

欲合將兵拒之康義誠欲悉以宿衛兵迎降為已功

固請自行。唐主乃名將士慰諭。空府庫以勞去之。馬軍都指揮使朱洪實請以禁軍固守洛陽。曰：如此，彼亦未敢徑前。然後徐圖進取，可以萬全。義誠怒曰：洪實欲反邪？洪實曰：公自欲反，乃謂誰反？其聲漸厲。唐主聞名而訊之，竟不能辯。遂斬洪實。軍士益憤。綱唐潞王從珂至陝。今河南河南南府陝州諸將及康義誠皆降。綱唐主出奔夏。四月，石敬瑭入朝，遇於衛州，殺其從騎。目初，唐主密與慕容遷謀使帥部兵守玄武門。及是以五十騎出門，謂曰：朕且幸魏州。見上徐圖興復。馮道

事當務實

擢髮不足數罪

入朝。及端門，聞變，乃歸至天官寺。名百官。中書舍人盧導至，馮道曰：勸進。見上文書宜速具草。導曰：潞王入朝，百官班迎可也。設有廢立，當俟太后教令，豈可遽議勸進乎？道曰：事當務實。導曰：安有天子在外，人臣遽以大位勸人者邪？李愚曰：舍人之言是也。吾輩之罪，擢髮不足數矣。從珂自陝而東。四月，唐主至衛州。見上東數里，遇石敬瑭，大喜。問以大計。敬瑭聞康義誠叛去，俯首長歎數四。敬瑭牙內指揮使劉知遠引兵入，盡殺唐主左右及從騎，獨置唐主而去。敬瑭

遂趣洛陽

遂目尹氏日書唐主出奔而不言其所往則是  
逃竄奔逸茫無所之也石敬瑭國之懿親據大  
鎮擁強兵間難入朝幸而相遇正當協力扶持  
庶幾或有可濟之理既不能然乃反殺其從騎  
是猶奪餓者之食而引繩以絕之耳直書於  
冊然則非特從珂反敬瑭亦反矣悖亂一至於  
此可勝歎哉

綱唐潞王從珂入洛陽廢其主從厚為鄂王而自立  
目從珂至蔣橋百官班迎馬道等皆上牋勸進從珂  
入謁太后太妃詣西宮伏梓宮見上慟哭自陳詣門  
之由明日太后下令廢少帝為鄂見五九王以潞王

宋令詢以大義自裁

知軍國事又明日太后令潞王宜即帝位乃即位於  
柩前綱唐主從珂弒鄂王從厚于衛州磁州刺史宋  
令詢死之書于義也令詢之死非有不得已者直  
故特書目衛州刺史王弘贇遷閔帝於州廨介也  
唐主從珂遣弘贇之子巒往酖見十一之閔帝不飲  
巒意殺之閔帝之在衛州也惟磁州今河南彰德府磁州刺  
史宋令詢遣使問起居聞其遇害慟哭半日自經也  
死綱唐康義誠伏誅夷其族五月唐以韓昭胤為  
樞密使劉延朗為副史綱唐復以石敬瑭為河東上見

節度使。綱唐以馮道為匡國節度治陝西西使。范

延光為樞密使。綱秋七月唐以盧文紀姚顛以同平

章事。綱唐主欲命相問所親信皆以尚書左丞姚顛

太常卿盧文紀秘書監崔居儉對論其才行互有優

劣唐主不能決乃寘其名於琉璃見卷末瓶夜焚香

祝天以箸挾之得二人乃有是命。綱蜀主知祥殂子

相唱立。綱八月唐詔蠲逋布平租三百三十八萬。綱

冬十一月吳徐知誥名其子景通還金陵見上。閩景

遷江都見上輔政。

琉璃瓶扶相

廢帝名從珂明宗養子本姓王氏封潞王廢閣帝而自立在位二年石敬瑭以兵入洛陽遂自焚死

壽四十五歲

綱乙未唐清泰三年。吳天祥元年。閩冬十月。閩

李倣弒其主璘而立福王繼鵬更名昶。綱荆南梁震

荆南梁震退居土洲

退居土洲書書退居何未也震成高氏之業而不

綱日書退居者一而已。綱荆南節度使高從誨見上

又二性明達親禮賢士委任梁震見上。以兄事

之楚王希範見上。好奢靡遊談者共誇其盛從誨謂

僚佐曰如馬王可謂大丈夫矣孫光憲對曰天子諸

侯。禮有等差。彼乳臭子。驕侈僭法。取快一時。不為遠慮。危亡無日。又足慕乎。從誨悟曰。公言是也。他日謂梁震曰。吾自念平生奉養。固已過矣。乃捐去玩好。去聲以經史自娛。魚省刑薄賦。境內以安。震曰。先王待我如布衣交。以嗣王屬。祝我今嗣王能自立。不墜其業。吾老矣。不復事人矣。遂固請退居。從誨不能留。乃為去聲之築室於土洲。震披鶴警。傲。警。鶴。羽。也。作。服。以。象。之。名。曰。鶴。警。自稱荆臺隱士。每詣府。跨黃牛至聽事。從誨時過其家。自是悉以政事屬孫光憲。綱吳加徐知誥大元帥。封

披鶴警

跨黃牛

齊王。備殊禮。見四一綱十二月。唐以馮道為司空。自時久無正拜三公者。朝議擬其職事。盧文紀欲令掌祭祀掃除。道聞之曰。司空掃除職也。吾何憚焉。既而文紀自知不可。乃止。  
綱丙申。唐清泰三年十一月以後晉高祖石敬瑭天福元年。閩主昶通文元年。是歲唐亡晉典凡五春。正月。唐以呂琦為御史中丞。綱唐主以千春節置酒。晉國長公主上壽畢。辭歸晉陽。見同上二唐主醉曰。何不且留。遽歸。欲與石郎反邪。石敬瑭聞之。益懼。盡收其貨。之在洛陽。及諸道者。歸晉陽。託言

以助軍費。人皆知其有異志。端明殿學士李崧謂同僚呂琦曰。吾輩受恩深厚。豈得自同衆人。一槩觀望邪。計將安出。琦曰。河東若有異謀。必結契丹。見上爲援。若與契丹和親。彼必驩然承命。如此。則河東雖欲陸梁。猶強也無能爲矣。崧曰。此吾志也。二人密言其策。唐主大喜。久之。以告樞密直學士薛文遇。文遇對曰。以天子之尊。屈身夷狄。不亦辱乎。又虜若徇故事。求尚公主。何以拒之。唐主意遂變。一日。急召崧。琦盛怒責之。自是羣臣不敢復言和親之策。遂以琦爲御史

呂琦未見

中丞。蓋疎之也。綱夏五月。唐以石敬瑭爲天平節度使。敬瑭拒命。唐發兵討之。初。石敬瑭欲嘗試也唐主之意。累表自陳羸疾。乞解兵柄。移他鎮。唐主與執政議。從其請。移鎮鄆州。今山東兗州府鄆城縣。天平軍。李崧、呂琦等皆力諫。以爲不可。五月。薛文遇獨直。唐主與之議。文遇曰。羣臣各爲身謀。安肯盡言。以臣觀之。河東移亦反。不移亦反。在旦暮耳。不若先事圖之。唐主曰。卿言殊豁吾意。卽命學士草制。徙敬瑭鎮天平。治兗州府東平州。制出。兩班相顧失色。敬瑭疑懼。謀於將佐曰。吾之

劉知遠諫  
石敬瑭赴  
鄆州

桑維翰請  
石敬瑭結  
契丹

再來河東也。主上面許終身不除代。今忽有是命。得非如千春節與公主所言乎。我安能束手死於道路。判官趙瑩勸敬瑭赴鄆州。劉知遠曰。明公久將兵。得士卒心。今據形勝之地。士馬精強。若稱兵傳檄。帝業可成。奈何以一紙制書。自投虎口乎。掌書記桑維翰曰。主上初即位。明公入朝。主上豈不知蛟龍不可縱之深淵邪。然則以河東復授公。此乃天意。假公以利器也。明宗遺愛在人。主上以庶孽代之。羣情不附。公明宗之愛壻。今主上以反逆見待。此非首謝可免。

但力為自全之計。契丹主耶律德光素與明宗約為兄弟。

公誠能推心屈節事之。朝呼夕至。何患不成。敬瑭意

遂決。表唐主養子。不應承祀。請傳位許王。見上唐主

手裂其表抵地。制削奪敬瑭官爵。以張敬達為太原

今山西太原府四面兵馬都部署。楊光遠為副。先鋒

將兵討之。綱秋七月。石敬瑭遣使求救於契丹。曰。敬

瑭令桑維翰草表。稱臣於契丹主。且請以父禮事之。

約事捷之日。割盧龍見上一道及鴈門關在太原府代州以

北諸州與之。劉知遠諫曰。稱臣可矣。以父事之太過。

厚以金帛賂之。自足致其兵。不必許以土田。恐異日大為中國之患。悔之無及。敬塘不從。表至契丹主大喜。復書許俟仲秋傾國赴援。綱八月唐張敬達攻晉陽。即太原府不克。綱九月契丹德光將兵救石敬瑭。唐兵大敗。契丹圍之。唐主自將次懷州。次見七卷八契丹主將五萬騎至晉陽。陳於虎北口。與唐騎將高行周符彥卿合戰。敬塘遣劉知遠出兵助之。張敬達楊光遠安審琦以步兵陳於城西北山下。契丹遣輕騎三千直犯其陳。唐兵逐之。至汾曲。汾水之曲。汾水見三九卷二七契丹伏

兵起衝唐兵斷。短而為二。縱兵乘之。唐兵大敗。敬達等收餘衆保晉安。契丹亦引兵歸虎北口。敬塘出見契丹主。引兵會圍晉安寨。敬達等遣使告敗。唐主大懼。下詔親征。發洛陽遣符彥饒將兵赴潞州。今山西潞安府為大軍後援。唐主至河陽。今河南懷慶府孟縣心憚北行。盧文紀希旨言。國家根本在河南。河陽天下津要。車駕宜畱此。鎮撫南北。且遣近臣往督戰。苟不能解圍。進亦未晚。張延朗曰。文紀言是也。唐主議近臣可使北行者。延朗與翰林學士和凝等皆曰。趙延壽父德鈞以



盧龍見兵來赴難宜遣延壽會之乃遣延壽將兵二

萬如潞州唐主至懷州即懷慶府以晉安為憂日夕酣飲

悲歌羣臣或勸其北行則曰卿勿言石郎使我心膽

墮地綱冬十一月契丹立石敬瑭為晉皇帝敬瑭割

幽今直隸順天府薊計今順天府薊州等十六州以賂之目契丹主

謂石敬瑭曰吾三千里來赴難必有成功觀汝器貌

識量真中原之主也吾欲立汝為天子敬瑭辭讓數

四將吏復勸進乃許之契丹主作策書命敬瑭為大

晉皇帝築壇即位割十六州幽薊瀛莫涿檀順新以

與契丹仍許歲輸帛三十萬匹制改長興七年為天

福元年以趙瑩為翰林學士承旨蔡維翰為翰林學

士權知樞密使事劉知遠為侍衛馬軍都指揮使客

將景延廣為步軍都指揮使立晉國長公主為皇后

致堂胡氏曰敬瑭之罪在不助閔帝苟以閔帝失國則當尊奉許王不為衛州之事而歸奪國

弒君之惡於從珂兵以義舉名實皆正則其德美矣乃急於近利稱臣契丹割棄土壤以父事

之其利不能以再世其害乃及於無窮故以功利謀國而不本於禮義未有不旋中其禍者也

綱唐將楊光遠殺招討使張敬達降于契丹目晉安

被圍數月芻糧俱竭援兵竟不至張敬達性剛時謂

石郎使我心膽墮地

石敬瑭割十六州與契丹

石敬瑭言及無窮

張生鐵

張敬達死節

之張生鐵。楊光遠安審琦勸敬達降於契丹。敬達曰。吾受明宗及今上厚恩。為元帥而敗軍。其罪已大。況降敵乎。今援兵且暮至。且當俟之。必若力盡勢窮。諸君斬我出降。未為晚也。光遠目審琦欲斬敬達。審琦未忍。諸將且集。光遠斬敬達首。帥諸將降於契丹。契丹主嘉敬達之忠。命收葬而祭之。謂其下及晉諸將曰。汝曹為人臣。當效敬達也。綱晉以趙瑩桑維翰同平章事。綱契丹以晉主南下。破唐兵于團柏。趙德鈞在潞州之南唐主還河陽。趙德鈞降契丹。綱晉主發潞州。

契丹北還。綱晉主將發上黨。即潞州契丹主舉酒屬祖

之曰。我若南向。河南之人必大驚駭。汝宜自引漢兵

南下。我令太相溫。契丹將名將五千騎衛送汝至河梁。即河

橋見三卷三餘且爾此。俟汝音聞。有急則下山救汝。若洛

陽既定。吾即北返矣。因泣別曰。世世子孫勿相忘。又

曰。劉知遠趙瑩桑維翰皆創業功臣。無大故。勿棄也。

綱唐主還洛陽。晉主至河陽。節度使長。長從簡迎

降。綱唐主從珂自焚死。晉主入洛陽。綱唐主議復向

河陽。將校皆已飛狀迎晉主。唐主與曹太后劉皇后。

綱唐主還洛陽。晉主至河陽。節度使長。長從簡迎。降。綱唐主從珂自焚死。晉主入洛陽。綱唐主議復向河陽。將校皆已飛狀迎晉主。唐主與曹太后劉皇后。

雍王重美及宋審虔等攜傳國寶登玄武樓自焚是  
 日晚晉主入洛陽。綱十二月晉追廢唐主從珂為庶  
 人以馮道同平章事。綱晉以周瓌為三司使不拜。目  
 瓌辭曰臣自知才不稱職寧以避事見棄猶勝冒寵  
 獲辜許之。綱唐安遠節度使盧文進奔吳。目文進上見  
 十聞晉主為契丹所立棄鎮奔吳所過鎮戍名其主  
 六將告之故皆拜辭而退。

周瓌辭三  
 司使  
 盧文進三  
 奔

右後唐四主共十三年

尺水堂綱鑑易知錄卷六一

